



Tráth a Dó: Teaghlaigh an Chreidimh

Seirbhís Urnaí/Tionól le Seachtain na Scoileanna Caitliceacha 2018 a Cheiliúradh

Is féidir an tseirbhís seo a réachtáil ag an tosach, an deireadh, nó i lár Sheachtain na Scoileanna Caitliceacha 2018. Is féidir é a bheith ar siúl sa seomra ranga, i halla na scoile, nó sa seomra urnaí. Is féidir cuireadh a thabhairt do bhaill phobal an pharóiste, don sagart agus do shéiplíneach na scoile. D'fhéadfadh na tuismitheoirí agus na seantuismitheoirí páirt a ghlacadh i gceiliúradh na seachtaine chomh maith.

Ábhar don áit urnaí

- Scaraid ghlas nó bán
- Coinneal (le hiompar isteach ag tosach na seirbhíse urnaí)
- Planda nó bláthchúach le bláthanna mar chomhartha ar áilleacht an domhain
- Pictiúr den Phápa Proinsias
- Bíobla mar chomhartha Shoiscéal Íosa Críost
- Portráid Theaghlaigh (baile nó scoil)

Cinnire: Móra daoibh ar maidin a chairde, agus fáilte romhaibh chuig an am urnaí seo atá á réachtáil le haitheantas a thabhairt do Sheachtain na Scoileanna Caitliceacha 2018. Cuirimid tús leis an urnaí in ainm an Athar, agus an Mhic agus an Spioraid Naoimh. Amen.

Seasaimis agus cuirimis fáilte roimh sholas Chríost inár measc agus muid ag cruinniú lena chéile, a fhad is a bhíonn an t-amhrán iontrála á chanadh againn.

Amhrán Tosaigh: 'Amhrán an Chruinnithe', *I nGrá Dé*, Rang a Dó/Bunscoil 4, l. 88.

A fhad is a bhíonn an t-amhrán tosaigh á chanadh, tugtar an choinneal lasta isteach agus cuirtear ina seasamh í san áit naofa. Nuair a bhíonn an t-amhrán thart, tabhair cuireadh do dhaoine suíochán a ghlacadh

Cinnire: Tá scoileanna ar fud na tíre ag ceiliúradh chomh maith linne, i rith na seachtaine seo. Beidh an fhoireann scoile, na daltaí, na tuismitheoirí, na seantuismitheoirí, baill na mBord, agus pobal an pharóiste ag tabhairt le fios, ar bhealaí éagsúla go bhfuil siad bródúil as an scoil Chaitliceach. Is maith an rud é ár stádas agus an obair a dhéanaimid a cheiliúradh.

Is é téama Sheachtain na Scoileanna Caitliceacha i mbliana ná: [Scoileanna Caitliceacha: Teaghlaigh an Chreidimh](#). Beimid ag glacadh ama i rith na seachtaine seo le machnamh a dhéanamh ar an mbealach ina mbainimid le sraitheanna éagsúla teaghlach.

Cinnire: A Dhia ár nAthair, gabhaimid buíochas leat as na teaghlaigh. Is baill de theaghlaigh éagsúla sinn, an teaghlach sa bhaile, an teaghlach scoile, teaghlach an pharóiste agus an domhain. Guímid go mbeidh an grá, an lúcháir agus an creideamh le sonrú i ngach aon cheann de na teaghlaigh sin. A Thiarna, tabhair aire do na teaghlaigh, deonaigh go mbeidh áthas orainn a bheith lena chéile, ag fás i ngrá duitse agus dá chéile.



Cinnire: Éistimis le sliocht ón mBíobla.

Léacht ón Soiscéal de réir Naomh Eoin

Léitheoir: Arsa Íosa leis an bpobal lá amháin: ‘Tugaigí aire dá chéile. Is é seo an riail nua: Tugaigí grá dá chéile díreach mar a thug mise grá daoibhse. Má dhéanann sibh a leithéid, tabharfar faoi deara é agus déarfaidh daoine: ‘Tá sibhse ar nós Íosa.’ Sin é Soiscéal Dé.

Cách: Moladh duit a Thiarna Íosa Críost.

Guí an Phobail

Cinnire: Deir an Soiscéal linn grá a thabhairt dá chéile díreach mar a thug Íosa grá dúinne. Iarraimis go humhal ar Dhia cabhrú linn an grá seo a léiriú do chách a bhaineann lenár dteaghlach. Is é an freagra ná: ‘Cabhraigh linn maireachtáil go grámhar, a Thiarna.’

Léitheoir 1: Gabhaimid buíochas leat a Dhia as na teaghlach sa bhaile. Táimid buíoch díot as Mam agus Daid, as na deartháireacha agus na deirfiúracha, na haintíní agus na huncailí, na col ceathracha, na seantuismitheoirí agus as aon duine eile a thugann aire agus grá dúinn sa bhaile. Deonaigh go mbeidh meas againn ar gach a ndéanann siad dúinn. Is iad sin na daoine a thugann an chéad cheacht dúinn maidir leis an ngrá agus an creideamh. Gabhaimid buíochas leat a Dhia as na teaghlach sa bhaile.

Freagra

Léitheoir 2: Gabhaimid buíochas leat a Dhia as an teaghlach scoile. Buíochas as an bpríomhoide, as na múinteoirí, as an fhoireann ar fad a thugann cabhair dúinn foghlaim conas cúram a dhéanamh dá chéile. Deonaigh go mbeidh meas ann i gcónaí ar scoil ar an fhoghlaim, an luchtáir, an sonas, agus go gcuirfear fáilte roimh chách ann. Gabhaimid buíochas leat a Dhia as an teaghlach scoile.

Freagra

Léitheoir 3: Guímid ar son teaghlach an pharóiste. Bíonn an paróiste seo lán de ghrá is de chreideamh. Guímid ar son na sagart, ar son an easpaig, agus gach ball d’ord cráifeach a thugann treoir dúinn sa pharóiste agus a bhíonn ag craobhscaoileadh an tSoiscéil. Guímid go gcuirfidh teaghlach an pharóiste fáilte roimh chách, agus go roinnfidh siad an grá is an luchtáir leo. Gabhaimid buíochas leat a Dhia as an teaghlach paróisteach.

Freagra

Léitheoir 4: Guímid ar son an teaghlach dhomhanda. Smaoinimid ach go háirithe orthusan atá gan dídean, gan aon bhia, gan uisce le hól, agus ar na daoine a cuireadh ó bhaile de bharr chogaidh, de bharr tubaistí nádúrtha, nó ghorta, nó de bharr triomaigh. Deonaigh go dtuigfidh go bhfuil an fhreagracht orainne aire a thabhairt don domhan ionas go mbeidh áit ann do chách. Gabhaimid buíochas leat a Dhia as an teaghlach domhanda.

Freagra



Léitheoir 5: Guímid ar son an Phápa Proinsias agus ar son na ndaoine a bheidh ag teacht chun na hÉireann le freastal ar imeachtaí Chruinniú Domhanda na dTeaghlach, a réachtálfar i mBaile Átha Cliath i mí Lúnasa 2018. Guímid gur ócáid lán de ghrá agus de lúcháir a bheidh ann. Guímid go bhfásfaidh an grá i measc na dteaghlach uile, go mbeidh an grá is an lúcháir go smior iontu. Is aonad ar leith é an uile theaghlach agus tugann Dia grá do na baill uile. Cabhróidh Cruinniú Domhanda na dTeaghlach linn é seo a thuiscint agus a cheiliúradh. Gabhaimid buíochas leat a Dhia as na teaghlaigh uile.

Freagra

Cinnire: Guímis anois an phaidir a mhúin Íosa dúinn:

Ár nAthair ...

Paidir Dheiridh

Cinnire: A Dhia Ghrámhar, gabhaimid buíochas leat as na bronntanais a thug tú dúinn, ár dteaghlach sa bhaile, an teaghlach ar scoil, pobal an pharóiste agus muintir an domhain uile.

Cabhraigh linn grá agus aire a léiriú do chách i measc na dteaghlach, agus maireachtáil go grámhar ar bhealach lán de chreideamh sa domhan álainn seo a bhronn tú orainn. Iarraidimid é seo ort trí do mhac Íosa Críost, ár dTiarna. Amen.

Má bhíonn sagart i láthair, iarr air an bheannacht a thabhairt anois.

Mura mbíonn sagart i láthair, críochnaigh mar seo:

Cuirimid deireadh leis an am urnaí seo díreach mar a thosaíomar, trí fíor na croise agus an chreidimh a ghearradh orainn féin: in ainm an Athar, an Mhic, agus an Spioraid Naoimh. Amen.

Cinnire: Seasaimis agus canaimis an t-amhrán deiridh lena chéile.

Amhrán Deiridh

'Cruthaithe ag Dia', *I nGrá Dé*, N Shinsearacha/Bunscoil 2, l. 80.